

月滿樓詩集

月滿樓詩集序

昔尹文端公莅節江南政事之餘導揚風雅時沈歸愚彭芝庭諸老宿爲後生圭臬凡所識拔文端公無不嘆賞而於吳郡顧君景嶽首屈一指焉余嘗見文端公與先君子書輒有空羣之目而君亦嘗賦詩呈寄願託辨香彼時余年尙幼不識君爲何如人亦未得其詩快讀之也嗣後馳驅王事雖知君屢蒙召試得首選旋登科甲佐部曹然中外間隔徒心嚮往而已客春承乏江藩乃得從高郵舟次識君之面枉贈瑤章積成卷軸猥謂余爲賞音識曲遂盡出其生平吟稿屬以點評豈所云

文章有神交有道者耶君以詩名世久惜未經鏤版自
出守廣南歸尚藉筆耕餬口余恐韞藏篋衍精光寶氣
之不克震耀于盛時也爰與同志梓之白下用抒積年
想慕之懷暨此日周旋之誼焉若其詩之上追漢魏接
武三唐古今諸體無美不臻則諸序言備詳之矣余既
不嫻風雅况簿書鞅掌曾未嫻於政事耶嘉慶八年六
月瞻園外史先福題

初序

司空圖之論詩也曰梅止于酸鹽止于醎飲食不可無
鹽梅而其美常在醎酸之外嚴滄浪之說詩也曰妙處
透徹玲瓏不可湊泊如空中之音相中之色水中之月
鏡中之象此其所主俱在旨趣矣吾謂詩之旨趣必有
才與學以運之斯趣爲真趣有以牢籠漱滌而自進于
古作者之林然則才學兼而旨趣從之不可缺一也顧
生景嶽天才英卓其學浩博無涯涘所爲古文詞賦跌宕
宕沉鬱而性好吟咏嘗以其所得發之于詩上自楚詞
漢魏六代三唐下至宋元明

國朝諸老之作靡不綜其源流研其義蘊別裁僞體以
庶幾乎風雅之宗故其所造日精而所著日卓又時携
筆牀茶竈載扁舟於大江南北與當世賢豪間者遊則
江山之助與友朋之切劘更有以勵其才而老其學夫
是以卓然特絕名盛江表流輩中罕與儔者余竊怪近
代稱詩之家非競纖濃卽趨險僻而詩之正軌益遠取
景嶽之詩閱之其滄浪半繭諸集則閉門覓句與古爲
徒樂府之遺音也踰淮江館薊門諸集則俯仰深高變
化龍虎唐賢之高格也南旋木葉棲霞諸集則陟水放
山古今寄感深於情者無淺語志於遠者無俗韻也時

不一時地不一地而才學所抒趣以深焉其於詩也殆
實有所得異于時俗纖穠險僻之所爲其亦中流之一
柱耶余復因景嶽之詩而重有感焉昔人云詩人少達
而多窮又云和其聲以鳴國家之盛斯二說者各有所
見而余謂其間自有遇焉景嶽以磊落抑塞之奇自奮
于

文治聿興之世凡宗工哲匠俱以國士待之壬午乙酉
兩年

天子巡幸東南士人獻賦者皆蒙

召試景嶽在試中屢得首選乃得而復失且兩次焉人

爲景嶽惜以爲此其少達之徵矣而景嶽無幾微見於
顏面今以拔萃科貢入成均異日者

天子簡著作之才必將賦明堂歌寶鼎鋪陳白麟赤鳳
之奇愈顯其才其學之異所以和聲鳴盛者實于是乎
在豈終嘯傲江湖自杼逸趣而已耶予雖老矣猶望眼
中人而深有以信之

乾隆戊子歲秋日友人沈德潛題于葑溪之清曠樓

士具通明瑰麗之才其于天地古今之故必有以詳其
器數究其義理而後宣之于文如雲霞之璀璨也如川
瀆之分流也如機絲纂組之遞引不窮也見者徒震其
才之異而不知其握鉛槧試丹青歲月之勤亦已久矣
韓子云焚膏油以繼晷恒矻矻以窮年柳子厚云未嘗
敢以輕心掉之怠心易之蓋古之作者往往而然也同
邑顧子景嶽自少以詩文名其詩則祖述三唐隸事博
而蘊味深古今諸體悉有典則也文則雍容都雅文質
相兼損徐庾之芳華效歐蘇之論斷家法森然不相混
濫也其甄藻錄一編擗摭記注尤稱淹博庶幾該爾雅

而媲美初矣蓋其天資穎異既什百于常人同應奉之
五行追陳思之七步又能枕經藉史下逮百家九流亦
各仰取俯拾醞而成章是其所蓄者富宜其光之所發
遠而有耀歟方當

景運鴻禧人才蔚興

延試江南貢士特擢第一旋得雋鄉闈受知名公卿有
國士無雙之目頃承

明詔搜訪遺書應有司之聘入局校書分青藜之焰探
二酉之藏他日承明著作其兆于此矣家有月滿樓緇
帙縱橫名流踵至東南壇坫之盛不在斯乎景嶽固嘗

受業于沈文愨公憶公在時所以推許者甚至詩文集
凡三爲之序予期之于琴伯喈之于桐不是過也今公
墓有宿草聲塵未沫賴有高第弟子接武于後而公爲
不歿矣余膺服之因爲之序以歸之

乾隆癸巳夏五月葑溪彭啟豐序

北征集序

予家自大石公以風雅倡始著名勝國先銀臺以甲第起家洵歷卿班三百年來子孫蕃衍並皆勤學問而列科名爲吳中四姓之冠而才華充臆卓爾不羣則尤推吾弟星橋星橋幼負雋才初工帖括聲滿膠序繼遂于詩上接六朝下追三唐所刻月滿樓集久已膾炙人口茲以

廷試入都由吳入齊由齊入燕道途往來咸有篇什裒爲北征集屬序于予披而誦之懷高堂而思定省聽離駒而念友朋臨水登山寫其深峻詠懷弔古別具機杼

命意措詞藹然陶然有樂天之音無嫉俗之志可以知其性情之厚學術之醇矣星橋

廷試一等第一舉

朝擊節稱賞循例應得縣令而公卿中有愛其才者不欲煩以簿書留冠鄉會兩試因襪被南歸舟車所經仍以詠吟消其寥寂未嘗形幾微不平之意有容德乃大他日功名安有涯量哉蓋天生才人以大吾宗旣以風雅繼大石公之緒又將躋膺仕韻頡先銀臺豈非族之幸歟惜予少志讀書而資稟薄劣未能追蹤古人推排人世五十餘年無所表見兩鬢繁霜舊學日落難與星

橋競爽每對惠連自慚法護讀其詩慙然媿穆然遠矣
乾隆丙戌八月望日兄詒祿序

南唐詩序

南唐系出於南而滅于宋烈祖禪國之後不能進取中原僻在偏隅矣然奄有金陵據長江之險隱然大邦締造之艱人材之湊而聲華文物炳耀一時之盛尤割據諸國所不可及垂世將四十年其間治亂興衰信史家得失之林也元和顧于星橋撰南唐雜事詩一卷根柢史書取材雜志其詞清以麗其韻曲以婉其旨則江南得失之故一唱三歎于言外傳之余讀之而嘆其詩之工也夫讀陳隋間樂府煙月綺靡知六朝之氣運況以後人考當年之蹟興衰治亂俯仰淋漓其感懷尤深者

乎星橋是編旨何遠也謂爲江南錄南唐書諸書之論
贊可也其從事商榷輯而註之者爲施詔六浦鶴天筆
亦簡明足以相發星橋封郵筒寄余余樂引數言而爲
之序

乾隆己丑七月旣望豐山梁國治題于秦淮之瞻園

言詩者神骨爲上格調次之詞采又次之吾嘗謂數者
遞更與世升降而其中得失之故大旨辨之於味焉而
已顧君星橋少負風雅才三吳文士淵藪莫能或之先
者持衡者久以國士目之顧始登拔萃科年逾三十始
鄉薦又四年成進士奔走南北給事省賢勞之積什
伯儕輩始入郎署交倚重之十餘載始以一麾出守計
閱歷四十載而詩乃益工將出都哀所爲編年詩若干
卷屬余序余乃得受而咀吮之夫薑桂精通神明粗粲
橘柚之潤悅脾肺而經絡非藥石不達羹醢非醢醢鹽
豉不能和調五味之感口舌者不同然飲食火化時代

升降以來皆甘之莫有過而訾焉者其故何哉蓋自其
稟天賦之氣而醞釀于四時之久者其味醇也故作詩
而無學與才與情不可以言詩有博瞻之學馳騁之才
寄托之情而味或駁劣淺薄天闕皆不足以言詩星橋
賦性和粹沐浴于古既學於沈歸愚先生切劘最深更
往來吳越淮楚齊魯燕趙徧嘗升沈夷險之趣雖在省
署入讀

中秘書兼纂修史館且江南塞北屢屢扈游凡

國家朝常典故精於諳習不獨江山乞助僅高畸士叩
堅故發而爲詩徵于情者深故孕于味者至而其才其

學渾于自然所爲神骨格調詞采無不美備而一歸大醇真得唐宋詩家之正味者也吾鄉錢尙書香樹先生嘗爲余稱道星橋詩余心識者十餘年及朝夕京師所見益過所聞乙未

廷試余忝預校閱星橋雖高列益謙冲自下商榷益密如是又二十余年獲深窺其本末無怪沈錢兩先生口之不置今且行矣五嶺而外自曲江開詞人風氣遊其土者若韓文公之在唐蘇文忠之在宋後先倡化其地蓋詩藪也星橋擁麾九千里外越梅嶺而南壯觀珠海潘山鑑水發其瑰竒想公餘著作繼韓蘇之風而詩宇

益宏且遠焉抑嶺南多荔枝味勝琉璃露其能爲我擷三百絳仙繡與海外新編並煩驛使俾口嗜五味者咀之而彌旨乎跂予望之矣

嘉慶戊午歲夏月富陽董誥序

南都詠史詩序

南都詠史詩一冊吾同年顧星橋先生奉

命纂修明史後作也明南都之立也庸闇不及宋臨安而規制愈狹外無岳宗虞吳之良帥居中執柄者較汪黃史賈輩佻縱尤甚驕淫荒燕誠無足述而

聖主如天之德不遺閭位必備著顛末爲史官法戒之一助先生恭承

睿訓史旣成復裁綴事蹟爲七言律一卷頓挫激昂雅健凄麗俾可資詠歌而被絃管非歷來詩家詠史借端托感者比也間考列代官制中書舍人掌制階宰相領

國史分修則翰林爲多而國家大典禮表頌詩章率皆
出自詞館一切文德武功鋪張揚厲之製玉堂而外罔
攸兼者獨先生以中省兼承明著述

天子知其學問

特命纂修史書并僚直 秘閣詳校四部每逢大典禮

進 御之篇屢邀

咨賞以故名公鉅卿倚若長城凡擬制敕及矢音篇什
多推重之先生出其所蓄如水火之然達靡不足用卽
游臚郎署而高文典冊猶必相屬昔李巨山爲鳳閣舍
人稱文章宿老劉夢得詩曰遠取南朝貴公子重修東

觀帝王家其於陳郎中之直史館有餘慕焉先生兼擅其美于是益盡窺石渠玉牒之藏我

朝版圖式廊

壽宇洪延之全盛方其齋戒小閣濡染淋漓詩輒百韻賦頌或數千言鋪陳排比上希子美仰結

主知故雖頭銜未與詞林而出入秘禁其所論撰有非尋常所可及於以見

聖世用賢無成格而先生閤中肆外體兼雅頌不獨具風人流連光景茲編尤詩史合焉者也先生詠史詩甚夥此外如十六國北齊等朝各有撰著工艷雄宕得樂

府遺意而茲編殷鑒不遠俯仰情深又承

寵遇之隆故余敬叙之舉其全體以爲通集殿歷代割
據者宋以前尙有十國稗史詳載之先生試更採其事
爲詩管花囊錦足資新色而垂戒益以大備先生其許
我否乎年愚小弟高郵夏味堂拜譔

月滿樓詩集目錄

卷首

進 御集一 頌 舞辭 七律 七排

進 御集二 頌 樂府 五排 七排

卷一

滄浪集 古今體詩六十一首

卷二

東游集 古今體詩四十四首

卷三

半菴集 古今體詩七十四首

卷四

諭淮集

古今體詩八十九首

卷五

江館集

古今體詩九十九首

卷六

北征集

古今體詩五十四首

卷七

薊門集

古今體詩四十七首

卷八

南旋集

古今體詩一百二十四首

卷九

木葉集

古今體詩八十五首

卷十

棲霞集

古今體詩八十四首

卷十一

載酒集

古今體詩四十二首

卷十二

蠟屐集

古今體詩七十六首

卷十三

青溪集

古今體詩三十八首

卷十四

于京集

古今體詩四十三首

卷十五

鹿萃集

古今體詩六十五首

卷十六

鯨海集

古今體詩四十六首

卷十七

繫船集

古今體詩五十七首

卷十八

倚閣集

古今體詩五十一首

卷十九

杏園集

古今體詩五十三首

卷二十

史館集

古今體詩二十七首

卷二十一

薇省集

古今體詩二十五首

卷二十二

西湖集

古今體詩四十三首

卷二十三

薇省集

古今體詩八十首

卷二十四

秘閣集

古今體詩二十六首

卷二十五

扈隨江省集

古今體詩九十六首

卷二十六

鳳諾集

古今體詩四十一首

卷二十七

秘閣集

古今體詩五十八首

卷二十八

柱下集

古今體詩五十六首

卷二十九

水部集

古今體詩四十六首

卷三十

鎖闥集

古今體詩四十二首

卷三十一

吏部集

古今體詩四十九首

卷三十二

扈隨灤陽集

古今體詩六十二首

卷三十三

吏部集

古今體詩四十七首

卷三十四

吏部集

古今體詩八十一首

卷三十五

吏部集

古今體詩九十九首

卷三十六

觚棱集

古今體詩九十八首

卷三十七

嶺南集

古今體詩九十八首

卷三十八

珠湖聽雨集

古今體詩九十首

卷三十九

江館留雲集 古今體詩五十首

卷四十

淮海維駒集 古今體詩七十四首

別集

晉十六國詠史詩

北齊詠史詩

南都詠史詩

南唐雜事詩

悼亡詩

江寧府東孫啟榛鐫刻刷

卷首一

聖駕四詣盛京恭謁

祖陵禮成恭紀

頌十二章
護序

臣顧宗泰

欽惟我

皇上至德格

天至孝敬

祖凡殷薦之禮既辨其大祀中祀羣祀

宗廟事先則升配大裕時饗大饗祇告諸禮肅然具舉

將事有恪嚴恭寅畏而以時展謁

園寢遵古上陵之制報本及始于典彌重

御極之四十有八年。

東巡爰四舉焉。先是肇祀於大淵獻。厥後闕逢著雍。因時而曠行之。迄今五周星紀。

皇上追緬

光烈。薦申孝思。諏仲秋之吉。發

軺灤河。道蒙古。遵吉林。遂抵瀋陽。爰撰宸風戒。晉謁三陵。於時率邇。踵武。逖聽風聲。藩王侍臣。莫不向風而內。而朝鮮外部。奔走賓貢。介

壽輸誠。普天萬國之懽合。

聖人饗。

親之道隆。卓乎皇哉。禮之盛也。孝之至也。伏惟我朝發

祥大東

造基長白。通猷三姓。國莫鄂多。

肇祖龍興。虎奮奄有赫圖阿拉。

七世至

太祖戎甲十三。丕彰鴻業。定葉赫輝發。廣寧撫順諸地。

建盛京而爲之極

太宗丕承厥緒。松山杏山。揮戈殲寇。旣墟殷社。混一區

宇。鼎奠于燕都。祚光于萬世。

皇上熙

鴻號寧

駿烈凡山川之剗削攻戰之艱辛構締之宏遠每於
蹕途念之至再至三思不少教臣伏讀

聖訓寶錄之序

神功聖德之碑薩爾濟書事之篇以暨

御製樂府之章全韻之什

巡幸盛京所紀之歌詠既仰見我

皇上紹聞衣德兢業祇承

垂創前猷不忘夙夜而文辭炳耀河漢日星昭回萬古
雖典誥雅頌不能方軌竝跡比絜紛綸蕩蕩

巍更何能贊頌千萬一顧

臣伏念前屆

東巡厥儀皆準初制而於

三陵之察紅椿移近居及修治舊典檢校庫藏諸政已
舉行之而茲歲

四巡崇宏典則炳鑠景輝振已興之畧建未有之謨
德震疊以鴻龐

澤布濩而流行則有曩疇所未概見者遭遇斯時含
和吐氣何能已歟且夫奉

尊謚垂

徽音闕藏

冊

寶永勒琳珉極軌也葺蜨垣新松栢告成

壇

廟合契靈庥上儀也凌滄海撫碣石金城萃崔雉堞繕
完洪業也暨聲教溯本原

寶閣敷文圖書富海廣化也列盛饗普大賚外藩
表貢祝

報介

釐宏烈也于是乎山川望祀盡懷柔焉崇政當陽大朝
會焉惠農調租裕盈寧焉頒帛給粟引耆艾焉

廣庠造士沛樂育焉校射肄勤敦風厲焉詔祿
加秩勸官師焉園土省管措祥刑焉恢崇祗庸
和懿之風宣播浸潭潭淳之澤綿

熙洽于無疆申錫類於靡極天下萬世咸知

天作帝省之勤勞所爲造邦而光顯者其來有自洋洋
乎自古帝王精微廣大之治通神明光四海弗
可及也已爰是隆禮旣蒞

鸞輅載迴飭塗山海關恭謁

東陵報追

聖德

旋宮之翼日祇告

奉先殿。天人之道備矣。上下之福溥矣。河渠成而安瀾。
慶碑。雍立而奏功。歌埏埶。昭震聳之威。田疇綏。

屢豐之兆。道何弗洽。化何弗周。揚勲華于

九廟。延禋祉于億春。丕哉休哉。豈不烈哉。臣江左銓材。

幸依

禁掖。仰見我

皇上。觀光揚烈之深。思假

廟受

禘之鉅典。燕天昌後。垂裕無窮。竊冀形容。

盛德窺測萬分謹撰頌十二章以獻

天祐我

大清廼薦多祐三謁

丹陵仰惟

聖祖休有烈光我

皇繩武歲日昭陽

肆巡乎東土

右一章
章八句

世有

哲王

四后在天呼蘭哈達仇克殲旃爰居赫圖旣順廼宣三

傳受之欲至于萬年巍巍開運昭是

高山

右二章
章十句

皇矣

高祖肇基帝業赫赫斯怒十三戎甲取彼藩遠莫不震

疊遂建我陪京四疆光輯

右三章
章八句

文皇丕顯式廓宏圖錦州旣克征明定都虎螭我師風

雷我塗於鏐孔懿允受

天符

右四章
章八句

我

皇展孝

陟降庭止。漢惠之原。俄采之址。鬱鬱蕭光。合漠太始。永

言配京。延洪茂錫。祉

右五章章八句

揚景鑠。宜靈輝。

玉冊

玉寶光萬祚。德用緝熙于

前。微雲衛星。帳金支翠旂。

神光照格。大哉孝儀。

右六章章八句

戔戔

郊北。廼治其域。翼翼

宗祊。廼修其宅。纓

帝饗

親孔安孔碩維彼城墉山海斯翊掾之築之惟

王猷之允塞

右七章
章十句

白山黑水原自大東

文命溯始如百川之朝宗宏開

琳閣光華熊羆圖背美富炳耀斗宮

右八章
章八句

會同有繹廼

升崇殿受賀屏藩

錫光海甸以洽百禮是用式燕惟下國駸駸

威恩丕徧

右九章
章八句

聖訓宏以宣敦龐樸茂俗所先洞野考乃牧原隰耕
乃田至再至三今四焉綏萬邦而屢豐年中外
是一家四十二部安其邊

右十章
章八句

兩稅兩租

皇則免之兩布兩粟

皇則散之曰惟髦士廣之選之曰惟官僚秩之

勵之暨弼爾五典胥宥眚而簡之

右十一章
章十句

湛恩溥矣

鸞輅回矣孝展

東圻百神懷矣

闕宮昭告三雍光熙敬紹

祖烈垂鴻釐永奠萬禩不丕基

右十二章八句

聖駕四詣盛京恭謁

祖陵禮成恭紀

舞辭十章謹序

臣聞龍汎翠川之水氣鬱橋山雀嘶梧野之沙

輝騰珠阜念生民而溯始肅弓韜于高祿追舊

德以迎祥奉衣冠于原廟席環素幕精禋曾紀

太和衛繞黃麾殷薦載傳貞觀自肇上陵之制

聿修謁寢之儀我

國家烝哉有聲皇矣下武隆規百代光宅四方彰

順應於

天璣永緬繼于

帝錄欽惟

皇上丕崇迪哲。遐邁重華。曩推淵獻之年。

鳳蓋初臨

華渚。迴屬昭陽之歲。

鸞輿四詣

丹陵。戒七萃而展鈴。塗遵灤水。飭九旂而啓

蹕。境指吉林。經古寺於巖巒。望花村于溝路。土默忒

羣番向化。星拱蘭坳。科爾沁各部輸誠。雲屯柳

塞城循輝發蒼煙銷葉赫朝鮮門入英莪紅旭
護代岷札喀遂

泣興京之舊壤

臨橫甸之遙區既電震而風馳亦鳳翔而虎變遼瀋
符幽岐之土休萬萬年海山協箕尾之躔運隆
三統孕靈源于藍嶺鍾

王氣於白山祥濟綠江儼紀

真人之曠跡瑞徵朱果宛傳

帝女之仙蹤金口峪百道河流遙環肅慎鐵背山千層

嶂擁總達挹婁言瞻

開運之舉首謁

永陵之奧。

四后如符一德。

七世迺卜。千春尼堪外蘭。緬復仇之壯志。赫圖阿拉想。

肇業之宏謨。爰推。

文祖。

神宗丕著耿光。大烈奮起十三戎甲。宣偉略于界蕃。雄。

馳大小驪駒。播英聲于松杏。表森嚴之。

碧隧神鬼趨朝。周幽邃之。

寶城虎龍合抱。葛幃土壁追。

垂創于艱難。玉匣金燈。契精誠於冥漠。炳蕭光而通肝
鬢。孚默意而達馨香。旁追褒鄂之勲。醪酬翠輦。

回念風雲之會。泰寶瑤登。禮既頒。夫有壬。

駕旋東土。福自申于繁祉。都俯西關。控三達以引衢。
陳圭眡景。增八門而建極。按節迎風。鬱千載之
遙垣。瞻九霄之

壇。

廟雲琴竹管。颺樵欽柴。永懷景佑之宮。藥花壁霧。恭覽
長寧之寺。孤月劍霜。于是

位啓當陽。

殿升崇政。雞人唱旦。貌鼎騰煙。珉砌列而四。姓趨金
鐘。撞而九賓萃。來賀聚藩陽之藩翰。享王聯遠
左之陪臣。

皇上德合紹。

庭敬深當。

寧關睢麟趾。緬締構於。

祖勲。西饌東鵜。慶赫烜于。

王會。三接晉晝。則宴啟鈞臺。百衍需雲。則觴排鎬邑。

陋沛上歌風之舊。軼南陽置酒之歡。怡值五稔
之星。回是協習祥之歲。吉乃者慈山貢瑞。蒲嶺。

輸珍。鰓理。辨其球琳。渠眉僂夫。琮璽。約合十華之美。鐫成五德之精。

冊麗虹文。窺鸞翔于金檢。

寶焚雲篆。探螭抱於珠函。

閔寢之敬奉。聿新。

陪京之尊藏。維舊。

昭德已孚乎。

九廟。

敷文更達乎。三韓源與淵。符奎壁部全。四閤溯真津。

逮澗渥光照重城。元菟郡邊瑞籍璚編之耀旭。

鳳凰樓畔。璇題玉璫之蒸霞。至夫意寓詩。戎制兼。

于狩。魚麗分八旗之隊。鷹揚萃兩翼之行。藉草合圍。鴻網而札。真穿七。弦山被野。倏眴而驅。總開三。遑。

貽謀校射之條。安舊俗。擷衣之習。乃若爇燈宵朗。塵披奏于郵。籤納帳晨寒。

軫決刑於鏤筆。罔非。

勅。幾一日彌徵。

行健。九天若夫。碣石關嚴。雉堞則城修羅翼。錦州水。

漚。颿。河。則。橋。溯。永。安。均。頌。

太。府。刀。泉。惟。利。環。塗。軌。轍。松。花。江。外。長。垂。望。秩。之。
文。太。子。河。頭。新。廣。懷。柔。之。典。契。龜。作。室。厚。俗。於。
周。斐。呼。蘭。執。豕。酌。匏。春。風。於。骨。占。鄂。博。富。藏。廬。
旅。官。莊。與。旂。戶。荷。調。仁。洽。膠。庠。衲。服。偕。青。衿。並。
勸。引。年。而。春。生。鶴。髮。綠。栗。頻。施。計。吏。而。懽。溫。鵲。
班。祿。階。並。寵。

蜺。旌。涖。處。膏。流。紫。塞。東。西。

雲。罕。巡。餘。惠。淡。黃。圖。遠。近。小。陽。應。于。玉。瑤。

大。輅。迴。自。花。洞。驛。接。閭。陽。十。三。峯。白。雲。紅。樹。路。循。塔。

嶺億萬年翠蓋金支姜女祠幽重千秋之風化
夷齊廟古證五地之封疆非祇

眺覽河山實推皇淵涕洟之舊用是

宣揚雅頌皆本玉瑤鞞琇之遺幸

翠輦於五週紀

瑤編于四帙述嶽原之陟降

崇功則丕顯丕承撫邦對之綿延

景運斯卜年卜世

天文炳燦詞面堯典禹謨

膚深淵深旨括高山清廟普光四海欽東圻

展孝之隆。規永。勒。懿。千。春。慶。北。極。

垂。釐。之。鉅。禮。茂。矣。美。矣。巍。乎。煥。乎。臣江左。幹。才。

吳趨下士。忝分曹於

秘省。慚。案。筆。于。

仙階。曩。瞻。

黃屋之輝。春。臯。獻。賦。邇。幸。青。藜。之。照。史。館。分。編。溯。

鴻緒于幽風。望。

龍蹠於瀛海。萬。方。爲。憲。百。禮。孔。殷。敬。稽。

世德之樂章。備。奏。盛。京。之。大。譟。

御製舞辭十闕。具。垂。贖。古。中。聲。鼓。鼓。叶。而。振。驚。翔。留。

鈞鳴而儀鳳集義重揚夫

盛烈旨尤永於長言仰誦

天章忝依

元韻敢與載廣之例竊摭推衍之私謹拜手稽首以

獻曰我

皇紹治昌後燕

天展謁

山陵儼依寢門

叶

孝至不匱民無能名

叶作求

世德有道

曾孫

叶一草

星柳屆月霜露永思肆

巡東土于京斯依皇矣

駿烈熙哉燕謀

叶

五稔忘祀萬年洪基

二章

維豐維鎬念是陪京

皇赫撻伐威定淪盟以受方國迺蹶厥生哈達奄奠遼

審斯典

三章

抗稜奮軌飲陰歆陽戈揮松杏鼎定

廟堂以薦駿惠爰迪吉康羽千歸舜其球奉商

四章

世哲垂璫

祖

宗播烈。黑水澄霞。白山照雪。泣習奉盥。炳蕭爛血。奏假

思成時。靡有說。

五章

祥開

冊。

寶光體。海山雲天之表。懷懌之間。金支麗宇。翠旄翔軒。

夙夜敬止。

寢成孔安。

六章

郊兆

宗祊格

親禮

神修之治之。有質有文。柴燔楨燎。玉薦幣陳。追崇本始。

孚契生民。七章

既達馨香。既親

色笑。

文命誕敷。日月所照。典彙唐虞。誥羅周召。

宏閣溯原。藝林孔樂。叶八章

肅肅禮林。鏘鏘樂府。

峻殿巍巍。羣僚華臚。歡合萬心。

治綏千古式介。

闔門一氣協蒼祗

天作高山溯肇基。鴨繞綠江源孕秀。鵲銜朱果瑞徵奇。
聖神文武真垂裕。臣庶孫曾永受禱。淵獻以來頻

泣止欽承

世德倍遐思。四支韻

開運峯前紹

遠徽

陵山曰開運

陵鉅典普光輝。崇勳

四后淵源合永澤。千秋第祿歸兵靖。外蘭綏異部。城連
阿拉。廊重圍高壇。五夜星辰衛霄漢。祥雲作彩

飛五

微韻

天柱巍峩聳翠虛。

山曰天柱 福陵

十三戎甲緬當。

初厨峯鐵嶺昭。

王業潘水遼陽定。

帝居盛會一朝龍虎聚。休光萬禩日雲舒。卽今

太室升香地。

繼序思皇愜慕餘。

六

魚韻

耿光大烈迎全謨。隆業山靈萃鼎湖。

昭陵山曰隆業

命受瑤壇酬眾志。

德昭玉璽應。

天符

熙朝師似商郊誓勝國兵如涿鹿誅肇定丕基垂一
統嘉休累代式鴻圖

七

虞韻

初升盼蠻迓

天禋

原廟精禋結愴懷

玉匣哀龍留雨露

翠樓弓劍拂虹霓奉籙肅若明堂北執瓚依然皇閭西

誠貫九天眞合漠仰瞻

陟降瑞煙低

八

齊韻

月滿樓詩集

卷首一

進

御集

六

佐運動臣念汝諧椒漿同奠亦

升階

兩陵謨烈松楸近三弼勤勞冠鳥偕

武勳王揚古里直義公費英東宏毅

公額亦都上皆酌其墓

皇魚水當年欽至契風雲奕世

渺長懷咄他輕詼如馮傳

聖代恩隆孰與儕

九佳韻

吉林佳氣向東回析木天津近斗魁
旁劇真看

三達控鬱葱重見八門開

盛京城爲門八

建中盛治光寰宇

攘外宏規治遠域幾度留都

泣止攝提重慶

翠華來十 次韻

曉闕雙開秋霽新。盛京左闕曰文德右闕曰武功

殿升崇政肅臣隣。盛京闕門內爲崇政殿殿後爲鳳皇樓樓後爲清寧宮東爲闕雎宮

西爲麟趾宮西鷄東鰈趨風久麟趾闕雎頌化純禮

樂百年漸被日廣應一德詠歌辰惟臨

黼座

皇心切夕惕朝乾意載申十一 眞韻

川原千里應星文廣撫神皋箕尾分渤海遠迎
遼海旭松山邇接杏山雲樂浪元菟曾稱郡安

市裏平盡領軍。弗鬱盤紆真氣象。金湯表裏倚

紅。十二文韻

屢緬

前勳詣

寢園。民情土俗。厓邊垣田。耕縻芑資。殷阜。垌牧駉騶。慶

碩蕃。執豕酌匏。風自古契。龜築室

衆逾繁。依京已是承

休祐。猶切

諄綸沛湛恩。十三元韻

業溯邵邠瑞鬱蟠仰欽

徽號重仙鑒

冊文宛照金繩麗

寶篆長開玉笈寒新自葱山鑄異彩舊移

闕寢洽羣歡于今億載苞符在紉綬光華霄漢看十四

寒韻

文教覃敷遍海灣琳瑯萬軸出重山

東京傑構齊三閭

北極榮光照九關瓊躋金題雲漢表牙籤錦暉鳳樓間

從來圖史休誇盛直溯蓬萊詎易攀十五

剛

紀

緒歌

功卜世年。

萬幾清暇富瑤編陪京賦就。張左。

世德辭成括澗瀝。

賦樂章舞辭御製盛京申

命龍樓依次纂長宣

鸞藻按時傳要知

景運由

前烈。彷彿羹牆慕儼然。十六 先韻

文德雍和通惠漠。

武功燧燭震重霄。韋韞翠幕環彌肅。虎旅龍韜靜不

籌千校合圍枯塞草一行飛鏃落雲鴈車攻靈
羨裁周雅秋獮重教仰

聖朝

十七

蕭韻

遼東部落似分茅陪使朝鮮赴遠郊預效呼

嵩依旆旄遙知迎

輅執鞭鞘蓼蕭湛露

皇仁逮紫塞黃榆

聖量包仰溯

前光綏靖久賓王利用協觀爻

十八

肴韻

長白岩巉聳翠高東來脉絡領靈鰲懷柔久震

聲靈徧望秩重欣典禮遭

四十三年八月諭於澄海樓建北海

神廟又遼河巨流河

渾河亦俱建有神廟江海互交分玉帶渾遼雙

引注銀濤卽今太子河源溯一例祠官酌桂醪

十九 豪韻

凌雲雉堞鬱嵯峨十二層城捍衛多近拱兩京
環塞漠遙連三輔鎖關河天邊長瞰金塘列林
際斜瞻翠幃羅五稔築勤須帑藏告成恰慶

玉輿過二十 歌韻

湛恩到處被桑麻鼓腹含哺徧磧沙頻歲調租歡戶
戶深秋免稅樂家家海關內外淳風浹遠水東

西藏澤賒莊賦旗糧胥裕蓄

春回橫甸普亨嘉

二十一 麻韻

至德慈仁覆八荒。網開善用法三章。上刑減等持明允。小罪寬條勉善良。雀角五方頒。

赦草雞竿一夕轉。秋霜松花江外歡聲滿。慶在

熙朝總致祥

二十一 陽韻

清風紫塞樂昇平。絃誦彬彬俄朶城。膠序復教常類廣。衣冠深喜舊經橫。英才盡起千鄉秀。

壽考齊傳萬歲聲。

入十以上
欽賜舉人

此地文章看炳蔚。

比隆

畿甸著光亨

二十

庚韻

萬壑千山踞地靈

朝家武備紹

前型八旗定列森刁斗兩翼分張肅析鈴放騎每馳沙
外雪挽弧常射嶮邊星

時巡更自勤分校賞賚便蕃遍野垌

二十四

青韻

累洽重熙大化蒸引年

盛典慶彌增厖眉壽域真能到鶴髮春臺盡自登普
向

神倉頒粟米差從

丙笥給絲繡。鄧宮道左扶。葵香屢幸迎。

鑾卜瑞徵二十

蒸韻

金風恰滿五雲樓。宴軼橫汾對素秋。玉葉好倍
鸞鶴侶。瑤簪並集鸞鵠流。八絃在闥聯

王會。萬禩開家綸。

遠猷真是八疆稱。有慶苞桑鞏固撫神州。

二十

尤韻

天上金莖湛露深。臣工扈從沐

綸音已邀

寵渥。依鸞扇。猶軫宜勞。飭羽林。加秩普蒙

天子澤報。

恩難効庶僚心一時鳧藻欣遭遇

祖隆儀紀有王二十七侵韻

莽螳禮盛返驂驪千里

龍鑣指翠嵐村入錦州濃露濕埃依閭驛淡煙涵葛

燈土壁追

遺德麥壤禾疇愜勝探十月春陽回玉琯回頭關樹

盡紅酣二十八覃韻

周道倭遲羽衛嚴

東陵瑞氣更重瞻風寒魚鱗開

龍闕雪霽啓玉墀

駕泣薊門多社集望殷燕向眾歡添。

巡方典則皆繼。

武行慶歸來渥溥霑。

二十
九
鹽韻

久荷

天恩寸悃銜深知。

聖治重民碧方慙橐筆趨。

丹陛曾幸依塵。

扈翠巖目觀。

鴻儀垂璧琬心移。

鳳奏媿韶咸。

小臣

魂乏卷阿頌葵向微私記大凡十三

卷首一

平定兩金川大功告成恭紀

七言排律一百韻
謹序

臣

聞青衣赤甲路拓蠶叢蒲水松州族滋賓旅

維彼蠻中跂息盡爲劍外藩籬然而周室羌髡

祇稱赴會漢家校尉未盡通邊奇傳邛杖橦華

風教尙遺番部遠極白狼槃木懷柔詎遍土臣

雖經往代之羈縻安在荒垠之震疊欽惟我

國家化成無外風著咸賓

皇上德布蘿圖威稜砥屬休調玉燭春消雪嶺之寒光
徧珠躔瀑剪砮崖之險設九司而錫印千戶星羅

逾七姓而陳琛雙流軌合。乃有金川兩逆會者。
本屬吐蕃遺種。實居邊徼窮區。趙拉旣恃幽遐。
促浸更稱桀驁。曾干撻伐。驚綬項而投戈。實荷
生成。冀革心而解網。

恩宜永矢。宥豈輕邀。將期妖鳥終馴。詎謂涸魚復躍。
丹多焚寨。始方與章谷相仇。甲角弄兵。芻又從
綽斯搆。孽罪當擢髮。勢尙磨牙。索諾木旣襲盜。
以狂苞猶剩孽。僧格桑偏因婚。而繫輔遂依車。
廼緣狼狽之好。還逞觸蠻之鬪。

聖天子心同覆載。物盡舛幪。憐黑子交爭。何煩斥堠。

念陸梁易靖特緩芟焚

命約束于長官寬奄征于屬國詎知違罰服以鴟張
轉欲借謠詞而煽惑勾黨遂侵革地吹狐竟合
同羣生心擬擾維州瘦狗偏思反噬隴連木里
非五丁不鑿之峯境接桃關宛九折前驅之坂
遠界則通衛藏近區則逼岷源小醜憑陵豈容
嶠負諸司仰顧是在邊安由是籌勝筭以三盟
凜

皇威于一怒會鐵林而銳往五營馳兇藻之軍奮神
策以邁征七萃統鷹揚之帥流星掣電道絕川

江舒翼張箕峯凌天射威震綿廐而外聲騰井
絡以西僧格宗飛鳥先驚徒畱空壘翁古壘奔
猿欲盡誰匿高岡遂平美諾之疆直抵功噶之
險因移蕭斧進伐朝菌乃昔嶺修矛方積崇巒
之雪而降番出狎欲噓枯木之灰俄憑元老壯
猷重振

王師於鏢擁八旗之勁旅遠軼欽飛率六郡之雄兵
直同奮擊采入其阻環攻則三路分驅迅奏厥
功先克則一軍作倡勢成掎角畧展連衡壓山
岳於層梁谷噶全歸掌握變旌旗于半壁馬尼

早扼咽喉。壑石乘沙。羅博瓦雲穿峻。壘摧輪焚。
柵喇穆峯霧散。危礪攀層梯以闢崎。區鼓角。連
連甲索通密箐。以收要害。登弧直下來珠默格。
山康薩山。宏喜山。拂脊得建俄之勢。噶丹寺。昆
色寺。拉枯寺。攻心成破竹之形。陣接河西達爾
岡軍通夾岸。壘摧寨北。遜克宗。壓應中權。于是
兔窟斯窮。破勒烏岡子。一夕鳩巢欲墮。收科布
曲于崇朝。萬炬烟青。越層崖而凌西里千鋒。霜
白。搗仄徑而入兜窩瑪爾。盡失襟憑。雍中豈能
背負機槍掃處。絨布飛旌。霹靂轟時。獨松合壘。

礪溝已盡水陸俱窮噉喇依無地潛蹤索諾木
傾家乞命潰驚魂于半夜井底殘蛙來喙息于
清晨穴邊伏鼠遂同組繫盡送檻車斯皆

聖武丕昭

天威遠播謀方淵默欽

廟畧于龍韜斷卽風行稟

宸謨于虎竹

察幾則沙披萬里

洞遠則燭照

九重弗獲已而用兵功成百戰惟一勞而永逸事茂

五年從此柔遠寧邊駐營分牧千軍解甲凱歌
盈黃草坪邊八日飛章捷奏至桃花寺裏維時
皇上行宮展慶帳殿凝庥欣

告愷于

園陵用升香于

寢廟聿追

祖德式纘

崇功盛禮方成

時巡載舉擁鸞旂于

南苑扶

鳳輦于東郊日觀延

釐十八盤暉留玉紀天門介

壽三百戶瑞應仙閣爰自

岱宗載瞻

闕里鸛音萃泮人咸震此

武功龍勺登筵

帝入敷其文德聲真有哉慶乃無疆當

臨幸而省方普深仁而施惠虎旅則餐錢厚賜脫劍

歌呼貽顏則彩帛頻頒扶鳩踴躍朗文昌之曜

升俊膠庠空貫索之懸恤刑并獄調彼西陲之

賦歡溢巴梁。緩茲東土之租。喜騰齊魯。徧聽遊
衢之頌。彌傳擊壤之謳。化宇胥恬。廣絃盡樂。既
恩覃乎赤縣。隨

蹕駐于黃莊。恰遇辰良。戢軒弧而振旅。齊迎
丙御經禹甸。以停鑾。越日歸俘。凱歌先陳。

廟

社

臨軒受捷。朝儀特肅。門樓螺角齊鳴。靈旗載建。維長
纓之均繫。眞窮髮之威威。盡震懼于

聲靈。益誕孚夫

教化

道崇歸善式欽

聖母徽音

孝在尊親恭上

慈闈寶冊

文垂金石穹碑特勒槐街像軼麒麟偉績齊輝畫閣

爰銘勲而偃武胥一道而同風豈徒鑿齒雕題

來王測海匪獨天山月竊受吏稱蕃洗兵永靖

潢池通道彌徵重譯矣臣以江陬下士與修綱

目史編思輯詠于昇平難頌揚夫赫濯詩成百

韻隨鏡歌鼓吹以騰歡。體紀七言從蠡測管窺。
而進祝其辭曰。

皇帝龍飛治久淳。垂裳四十一年春。高懸金鏡符三
始。遐挈珠囊奠八寅。

至教丕宣儀舞鳳。嘉休遠應集遊麟。天山賣劍田無
石。月醕携鋤道有紉。韋譯貢音銜紫帶。唐梯呈
舞拂朱巾。萬年自昔歌。

君子四海于今頌。

聖人底定伊犁皆卽叙。蕩平四部盡來賓。幾逾羃幕
春秋換。過度繩橋手足皴。偏黨俱忘歸蕩蕩。語。

言悉協達說。說邊關久。識雕樓靜。歲月長依。
寶籙新。星海自茲胥。榮晏金川。何以獨聳。罷桃關。以
外。拚飛捷。雪嶺而遙。肆走駝。開網弗思蒙。

宥赦襲狂。偏欲逞貪。與五丁繡斧。畱餘洞。三葉枯枝。
剩束薪。每向革夷。耽虎視。効從吉。地恣鷹。麟渠。
魁跳擲。憑蛙怒。醜類睢盱。任犬狺。曾。

諭藩臣。申節制。詎煩上將。闢遼述。儼然據險。思營窟。
竟爾當車。想拒輪。蹂躪乍疑。蠻閩觸毗。連旋訝。
齒依。醫諸司。請。

討關同款。別部防侵。戶共瑾。簣鼓成謠。愆曷貸。鳴張。

聖敗悔猶遜師緣問罪

天威赫事爲安邊

帝訓諄。暢轂驚。看馳鐵騎。征聲駭。聽叩金鐸。內江登。
許。仍容鱣。東郭何能再。逸腕并絡墟。旁先克。舉。
綢金堡。側更張。民梗頑。晝縛膚。先剝凶。藥宵奔。
尾。尙萃。趙拉焚。巢除。固塹促。浸借穴。庇私姻。爰。
移大纛。清淵數。晉建高牙。掃棘榛。昔領駐軍氣。
未戢元戎整旅。勢彌振。芟蕞務盡寧持久。克復。
爭先未浹句。聲合銅鉦搖。叠嶂。影連繡。鎧耀澄。
吳。伏飛奮。稍尤驍健。突騎齊鏖。再選掄。掄角抵。

教分兩翼攻心直使歷千鈞馬尼占柵功誠速
羅博摧礪勢可堙達爾圖方超峻壁得斯董已
炬深藁猛衝了口驚厓裂窘獻頭人伏道陳反
側詎堪徼福慣啁噍寧許乞降頻突圍設筭追
窮獸遊釜添焚困涸鱗斥堠遙聯傳赤幟荒蕪
迅掃散膏燐日効擊壘還褫魄昆色乘霜更訝
神扼彼咽喉收險隘籌諸股掌倚嶙峋秋高天
鉞殿回漢夜肅軍門月照銀科布曲難藏伏鼠
勒烏圖已逐鷲鷹何曾寸壤稽

天討先有幾章報

帝宸阿穰遂通西里曲。乃當又合北河濬。路開朗噶
千矛集。寺繞雍中萬弩勻。直俾鳩巢居欲破。卻
看虎旅志尤伸。盤霄突下臨孤壁。拔地長驅絕
要津。飛會獨松衝斷嶠。順教絨布破重斷。鑒空
欲避鴻毛燎。盡族眞看野翮馴。授首不難乘此
夕。擒生姑使待侵晨。逆酋就縛全家獲。黨惡同
囚百戰蹂。霧窟虺除安衽席。星躔彗掃失沙塵。
從知藪澤成禾隴。且見耰耜化棘種。笳鼓遏雲
傳送霍。黍苗膏雨佇來郇。大勳共識。

皇猷壯羣帥皆由

廟。畧。遵。提。遞。紅。旗。馳。羽。校。卻。逢。

翠。蹕。愁。珠。帳。凱。音。疊。奏。

天。顏。喜。

世。德。丕。承。

聖。敬。寅。吉。語。正。當。修。祝。版。馨。聞。遙。仰。肅。精。禋。蕩。平。允。
矣。謨。承。

祖。昭。告。殷。然。德。懋。身。

陵。寢。祥。雲。籠。劍。舄。

橋。山。瑞。靄。鬱。松。筠。

貽。謀。默。鑒。

勤思密。

繼志長懷履道純。纔轉雞翹迴禹甸。便扶

鳳輦飭虞巡。仙旌迤邐排威路。春水縈紆望

駐輪。南陌兒童胥踴躍。東郊士女盡頌斌。柔桑裊露

青旗染。弱柳牽風翠葆綳。花岸草汀堪入畫。農

歌漁唱總舒輦。郊垌到處羅謠祝。

岱嶽登來達穆叟。誠溯碧霞昭景福。禮符蒼鼓列

殊珍。賓暘日觀春方永。望秩天門社畢臻。載

幸泮宮修釋菜。還崇

闕里集華紳。受成此夕敷無比。孚契當年德與鄰。

孝秀不妨吟藻。節尊英還卽擷。蔡蘋奏公虞業。
懷鵠鳥克勇。弓鉞備虎臣爲。

軫蒼黎宣愷澤偶

過赤縣必周詢。年存父老增縑帛。稅免芻糧足廩囷。
風動齊州人皞皞。露溥

畿輔室漆漆。曾孫履畝宜歌雅。公子稱觴欲賦幽。
無物不教蒙樂利。有民悉俾遠艱辛。欣聞鼓吹
喧朱鷺。遙見戎行脫絳紉。武庫戢干求懿德。

堯樽宥醴醉芳醇。偏勞羽衛停蘭甸。競設霓旌八綺

圖

門闕歸停縈以組。檻車縈鹿列其牘。心懸膏斧迷。
方悟聽竦鳴鞭。俱始眞番肅諸邊。思走幣士歸。
我馬賦維駟。

璇閣錫類綏丹徵。

寶冊揚徽鏤翠珉。燕喜瓊筵推盛數。鴻休寰宇被。

恩綸光天並識崇歸善。

純孝原知在顯。

親更仰寫碑垂。

聖筆同欽。

偉烈勒成均。梁山積石寧爲險。馬服龍鄉未許倫。底。

獨荒邊稱附屬。統將絕域盡陶甄。奏勲西土嘉
韓范。翊策中垣美甫申。酬爵有差邀

曠典。賡歌同喜際

昌辰。千秋懋賞傳毋替。奕世凌烟著不泯。戎索載清
昭。

大武華封盡樂浹

深仁。永銷兵氣同安輯。式措祥刑遍拊循。滄海波澄
徵獻雉。邊庭野靜絕奔鶻。圖開

王會多殊瑞

治治康衢盡壽民。綏遠風聲周紫塞。普天光霽遍蒼

垠小臣敬效昇平祝悠久長期奉

萬椿